

道德經發隱

慈山清靜師解道德經應十五年方成雖與焦弱侯同時而弱侯未之見也故其輯老子翼闕慈山解誠為憾事弱侯所採凡六十四家後之解者更有多種故經中與義發揮殆盡矣予閱道德經至出生入死一章見各家註解無一合者遂以佛教義釋之似覺出人意表復益二章繼陰符發隱梓之或問孔子既稱老子為猶龍何以其書不入塾課耶答曰漢唐以來人皆以道家目之不知其真俗圓融實有裨於世道人心若與論語並行家絃戶誦則士民之風當為

道德經發隱

之一變也

光緒癸卯季春之月石埭楊文會識於白下深柳堂

正一天師清微弟子 洪百堅 製作

道教學術資訊網站

道德經發隱

石埭楊文會仁山註

道可道非常道名可名非常名無名天地之始有名萬物之母故常無欲以觀其妙常有欲以觀其竅此兩者同出而異名同謂之玄玄之又玄眾妙之門
開章十二字直顯離言之妙若以不可道者謂是常道不可名者謂是常名則活句翻成死句矣洋洋五千言無一而非活句不知此義何能讀道德經無名天地之始無而忽有有即非有有既非有始亦無始有名萬物之母有名無體依無名起

道德經發隱

二

即無起誰為其母天地萬物當體空寂也故常無欲以觀其妙承無名句來妙者緣起萬有也即無以觀於有則常無而常有矣常有欲以觀其竅承有名句來竅者空洞無物也一作微物之盡處也即有以觀於無則常有而常無矣二者俱常不壞理而成事不離事而顯理名雖異而體則同也無亦玄有亦玄度世經世皆無二致乃此經之正宗可謂理事無礙法界矣更有向上一關若不透過猶未造極直須玄之又玄者方稱眾妙之門也此重玄法門乃神聖所證之道世人罕能領會故未

詳言後世闢華嚴宗旨者以十玄六相等義發明
事無礙法界方盡此經重玄之奧也○此章用
有無二門交互言之以顯玄旨為道德五千言之
綱領猶之心經用色空二門兩相形奪以顯實相
為般若六百卷之肇端大凡載道典籍文義雖廣
必有簡要之言以為樞紐耳

谷神不死是謂玄牝玄牝之門是謂天地根絳繇若
存用之不勤

谷者真空也神者妙有也佛家謂之如來藏不變
隨緣無生而生隨緣不變生即無生生相尚不可

道德經發隱

三

母何有於死耶玄者隱微義牝者出生義佛家名
為阿賴耶此二句與釋典佛說如來藏以謂阿賴
耶同意從阿賴耶變現根身器界或謂之門或謂
之根奚不可者絳繇若存者離斷常二見也用之
不勤者顯無作妙諦也此章言簡義幽列子以為
出自黃帝書信然

出生入死生之徒十有三死之徒十有三人之生動
之死地者亦十有三夫何故以其生生之厚蓋聞善
攝生者陸行不遇兕虎入軍不避甲兵兕無所投其
角虎無所措其爪兵無所容其刃夫何故以其無死

正一天師清微弟子 洪百堅 製作

道教學術資訊網站

地

釋典云生者諸根新起死者諸根壞沒又云無不
從此法界流無不還歸此法界所以謂之出生入
死也生之徒三句最難發明須用華嚴十世法門
釋之則句句有著落矣一切釋典皆論三世獨華
嚴論十世於過去世中說三世所謂過去過去過
去現在過去未來於現在世中說三世所謂現在
過去現在現在現在未來於未來世中說三世所
謂未來過去未來現在未來未來其成九世攝歸
一念則為十世此之一念非現前刹那不停之念


道德經發隱

四

乃是無念之念不生不滅元清淨體所以能攝九
世而為十也此中生之徒十有三即是三世未來
死之徒十有三即是三世過去人之生動之死地
者亦十有三即是三世現在徒者類也若如前人
所釋則動之死地一句與死之徒一句互相混濫
且三股均分不曰三之一而曰十之三是以十為
總匯舊註雖用攝生一語足成十數而三箇三字
反覺浮泛故不能謂之確解也夫何故以其生生
之厚此言起妄之由性本無生而生生不已者以
業識恆趨於生而背於無生也既厚於生生則九

世相仍流轉無極其害可勝言哉善攝生者於生起之元制其妄動也心不妄起則生相全無所以謂之善攝生也兕虎甲兵數語乃其實效不可作譬喻解破生相無明者內外一如自他不二即此幻化空身便是清淨法身何死地之有哉

十世圖



道德經發微

五

道德經發微